

Radøy kommune

Saksframlegg

Saknr	Utdal	Type	Dato
052/2018	Hovudutval for plan, landbruk og teknisk	PS	12.09.2018

Sakshandsamar	Arkivsaknr.:	Dokumentnr.:
Arthur Kleiveland	18/2078	18/12200

Meldingar og referatsaker

Saksopplysingar:

Det vert lagt fram følgjande meldingar og referatsaker:

- a. Byggesak gbnr 45/1/54 Manger – paviljong Manger skule – oversending av klage
- b. Forvaltningsplan gås - Radøy, Austrheim, Fedje

Rådmannen sitt framlegg til vedtak:

Meldingar og referatsaker vert tekne til orientering

Hovudutval for plan, landbruk og teknisk - 052/2018

PLT - handsaming:

Forvaltningsplan gås: Edgar Grindheim (AP) gav ros til administrasjonen for ein veldig god plan og solid utgreiing.

Dag Sætre (SP) peika på at dette er ein sårt etterlengta plan for å kunne gjera tiltak mot gåsplaga. Han fryktar at dersom det ikkje blir gjort grep vil utfordringa med beiteskade frå gås verta eit større problem enn hjorten nokon gong har vore.

Leif Taule (SP) sendte på e-post før møtet spørsmål om statusoppdatering i fleire saker:

- Gamle Risnes skule: Rådgjevar tilsyn Silje Hjortland Haukedal sa at kommunen har hatt møte med grunneigar og ansvarleg søkjar. Kommunen vart lova at komplett søknad skulle sendast kommunen innan utgangen av august. Ho sa kommunen ikkje har motteke søknad.

- Bensinpumpe Austmarka: Rådgjevar tilsyn, Silje Hjortland Haukedal informerte om at kommunen har gjeve rammeløyve på vilkår til dette tiltaket.

- Rullering av handlingsplan i hovudplanar for vatn og- og avløp: Rådmann Jarle Landås sa at desse handlingsplanane på grunn av utfordringar med kapasiteten ikkje er rullerte. Han opplyste at kommunen har engasjert Asplan Viak, som utarbeidde hovudplanane, til å jobba vidare med rulleringa.

Leif Taule (SP) peika på ulike prosjekt som bør drøftast i rulleringa.

- Vassleidning Vetås-Storheim: Kommunalsjef Lisbeth Alvær orienterte om status for vassverksutbygginga frå Vetås til Storheim. Ho informerte om at Radøy frå november får låna ressursar frå Meland kommune i dette arbeidet. I mellomtida vil kommunen sine folk mellom anna sjå på val av trasé for vassleidningen.

- Kloakk Sletta: Rådgjevar tilsyn, Silje Hjortland Haukedal orienterte om kloakkproblem på Sletta, som har vore tema i hovudutvalet fleire gonger. Ho opplyste at saka vert jobba med av fleire instansar for å få til ei oppgradering av kloakkanlegget.

Leif Taule (SP) ba om at administrasjonen følgjer denne saka tett opp.

- Rullering trafikkisikringsplan: Kommunalsjef Lisbeth Alvær opplyste at arbeidet med rullering av tiltaksdelen i trafikkisikringsplanen er igang. Det har kome inn ein del innspel, som ei arbeidsgruppe no ser nærare på. Saka kjem etter planen opp i formannskapet 4. oktober.

Roy Bø (FrP) etterlyste status for veglys på «Trævegen». Kommunalsjefen svara at det er bestilt lys både til Sjøvegen og Ystebøtræet. Etter planen skal desse prosjekta gjennomførast i løpet av hausten.

Leif Taule (SP) stilte spørsmål om dette er ein temaplan knytt til hovudutvalet sitt arbeidsområde, og som dermed vil vera naturleg å handsama i hovudutvalet. Rådmannen sjekkar dette.

- Trafikkisikring Manger/Sæbø: Kommunalsjef Lisbeth Alvær informerte om at Norconsult er engasjert i arbeidet med trafikkisikring på veg ned mot Grønålen/Radøyhallen. Norconsult har også fått oppdraget med å prosjektera tiltak for større trafikkisikring ved Sæbø barnehage.

Leif Taule (SP) oppmoda kommunen å senda søknad om permanent 60-sone forbi Austmarka. Han peika på at trafikken til og frå Austmarka har auka, ikkje minst etter at butikken kom. Og kjem det bensinpumper vil det bli endå meir trafikk.

Dag Sætre (SP) påpeika også utfordringa med dårleg sikt for bilførarar som kjem opp frå Austmarka og skal ut på fylkesvegen. Han meiner det ved dekkelegging av fylkesvegen burde vore laga ein jamnare overgang ned i kommunevegen.

Hovudutvalet tok Meldingar og referatsaker til orientering, med tillegg sett fram i møtet.

PLT - vedtak:

Meldingar og referatsaker vert tekne til orientering.

Vedlegg:

Byggesak gbnr 45154 Manger - paviljong Manger skule - oversending av klage for (L)(184880)
Forvaltningsplan gås Radøy. Austrheim, Fedje